

**Suliffeerunnermi ikiorsiissutinik ullut 14-kkaarlugit tunniunneqartartunik pisartagaqartut, ulluni suliffiusuni tulleriinni marlunni pisartakkaminnik ilanngaanneqartarunnaarnissaat siunertaralugu, Naalakkersuisut Ukiakkut Ataatsimiinnermi 2017-imi, Suliffeerunnermi ikiorsiissutit pillugit inatsisartut inatsisaannut nr. 2, 15. maj 2014-imeersummut, allannguutissamik siunnersuuteqaqquneqarnissaannik aalajangiiffigisassatut siunnersuut.**

(Inatsisartunut ilaasortaq Agathe Fontain, Inuit Ataqtigiit)

### **Akissuteqaat**

(Inuussutissarsiornermut, Suliffeqarnermut, Niuernermet Nunanullu allanut Naalakkersuisoq)

### **Siullermeerneqarnera**

Aallarniutigalugu Inatsisartunut ilaasortaq Agathe Fontain siunnersuuteqarneranut qutsavigaara. Siunnersuuteqartup siunnersuutigaa suliffeerunnermi ikiorsiissutinik ullut 14-kkaarlugit tunniunneqartartunik pisartagaqartut, ulluni suliffiusuni tulleriinni marlunni pisartakkaminnik ilanngaanneqartarunnaarnissaat siunnersuutigaa.

Siunnersuuteqartup siunnersuutimini ilaatigut tunngavilersuutigaa, pisartagaqartut nerisassarsiuutissaminnut ilaatigut amigartutut taaneqartariaqartut, ilaammi – siunnersuuteqartumik oqaatigineqartutut – 770,00 kr.-nik ullunut 14-nut pisartagaqartarmata.

Suliffeqanngikkallarnermi ikiorsiissutit siunertaraat, sulisartut angerlartinneqartut, suliffissaqanngitsut napparsimasullu suliffinnut attuumassuteqarlutik nalunaarsorneqartut nammineq pisuussutiginnngisaminnik suliassaarunnerup nalaani napparsimanernilu annaasaminnik aningaasatigut taarsiiffigineqarnissaasa qulakkeerneqarnissaa anguniarlugu.

Maannakkut Inatsisartut inatsisaat suliffeerukkallarnermi ikiorsiissutinut tunngasumut atuuttup suliarineqarnera imaappoq, suliffeerukkallarnermi ikiorsiissutit nalunaaquttap akunneranut aalajangersimasumik akeqartitsinikkut tunniunneqartarluni, taakku tassaallutik sulisartut ilinniarsimannngitsut pillugit akissarsiaat SIK`p aamma Naalakkersuisut akornanni isumaqatigiissutit malillugit akissarsiat ikinnerpaaffiisa 90 %-iattut annertussuseqarlutik.

Tamatuma kinguneraa inuit pisinnaatitaaffeqartut tamarmik suliffissaaruttutut ikiorsiissutinik assigiinnik pissarsisinneqartarnerat, apeqqutaatinnagu qanoq pilersugassaqartiginersut kiisalu siusinnerusukkut qanoq annertutigisunik aningaasarsisarsimanersut.

Ikiorsiissutit sapaatip akunneri 13-ini kingullerni aningaasarsiat allagartaani allaqqasut tunngavigalugit, nal. ak. suliffiusimasut qanoq amerlatigisimaneri aallaavigalugit naatsorsorneqartarput.

Ikiorsiissutip annertussusaa taamaalilluni, pineqartup sulisimanermet tiimerisimasaasa qanoq amerlatigineri apeqqutaatillugu aallaavigineqarpoq.

Taamaattoq annerpaamik sapaatip akunneranut 40 tiimit nalingi tunniussinermi atorneqarsinnaapput. Akissarsiat ikinnerpaaffiisa 90 %-iannut inissinneqarsimavoq, aalajangersimasumik suliffeqarnermi nalunaaquttap akunneranut akissarsiaqarneq qaffasinnerunera aallaavigalugu ornginarnerusinnaaneranut tunngaveqarluni.

Inatsisartut inatsisaat suliffeerunnermi ikiorsiissutit, § 9 imm. 4 malillugu nutaatut ikkunneqarsimavoq, kommunimit innersuussutigineqartoq aallaavigalugu paarlatsitut sulisinnaaneq, suliffeerunnermi ikiorsiissutinut pisartagaqarsinnaanermet piginnaatitaaffeqarnermet tunnerlunngikkaluarluni. Ulluni akissarsiatigut isertitaqarfiusuni suliffeerunnermi ikiorsiissutinik

pissarsiarisartakkat ikilisinneqassanngillat, kisiannili sulisimanerup kingorna suliffeerunnermi ikiorsiissutininik pissarsisarneq annaaneqartussaananani.

Naalackersuisut tunngaviusumik isumaqatigisinnaanngilaat, pisortaniit ikiorsiissuteqartoqartitsinermi, akissarsiaqaatigalugu ikiorsiissuteqarsinnaanissaq.

Naalackersuisut suliniutigaat inatsisip nalilersoqqinneqarnera 2017-imi upernaamut inatsisartut ataatsimiinnissaannut saqqummiunneqarumaartoq.

Taamatut oqaaseqarlunga siunnersuutip akuerineqannginnissaa inassutigaaara.